



## Universitätsbibliothek Paderborn

**Epistola Responsoria R. P. Isaaci De Bruyn Societatis Jesu  
Ad Eximum Dominum Martinum De Svvaen S. Th.  
Doctorem Lovaniensem &c.**

Bruyn, Isaac van

[Verlagsort nicht ermittelbar], 1693

§. I. Retunditur injusta Eximii Querimonia.

**urn:nbn:de:hbz:466:1-40327**

(1)

EPISTOLA  
RESPONSORIA  
R. P. ISAACI DE BRUYN  
SOCIETATIS JESU  
AD EXIMIUM DOMINUM  
MARTINUM DE SVVAEN

*S. Th. Doctorem Lovaniensem &c.*

*Collegii Soc. Jesu CAPUT PRIMUM. Paderborn*

Expenditur Exordium Eximii , & injustis  
ejus querimoniis satisfit.

§. I.

*Retunditur injusta Eximii Querimonia.*

ACcepi Epistolam Tuam , Vir Eximie : animo illam pa-  
cato percurri, & quamquam nonnunquam in me , me-  
osque Socios esse iniquior , non sui tamen commotus.  
Unum dolebam , tantum tibi laboris sumptum esse fru-  
stræ. Epistola nihil habebat epistolar. , sed apparebat po-  
tius veluti delineatio quædam rudis , prolixioris Apologiæ. Habe igi-  
tur ad scriptum tuum non breve, responsum paulò prolixius . ut queri  
deinde non possis ex argumentis tuis aliquid à me diffimulatum esse.  
Responsiunculam hanc luci non ita pridem debitam vulgare distuli ad-  
huc , quod morbo te non levi correptum intelligerem , ne ægro ,  
quod aiunt , leoni viderer velle insultare , teque illo tempore scripto  
gravarem , quo suam menti corpus serenitatem invidet , nec rationum

A

pondus

pondus examine justo librari patitur. Nunc , ubi tibi redditam sanitatem intelligo , spero rationes meas altius animum tuum subituras , atque hunc non minimum futurum more meæ fructum.

Cessantibus aliis tibi ipsi applaudis , domum tuam adversus me Epistolam sic ordiris : Benedictus Deus , quo adjuvante tam orthodoxè , dilucidè que sententiam meam de Gratia & libero arbitrio publicis in scriptis exponere mibi licuit , ut ea a Primariis tuis Cleri , tum Religiosorum Ordinum Viris sive in , sive extra hanc Academiam tamquam genuina S. S. Augustini & Thomæ doctrina commendari , a nemine hactenus gratia per se efficacis defensore vel leviter impugnari , denique & à R. V. non nisi hoc solo Titulo arrodi meruerit , quod existimes , alia me interius sentire , quam publicis in scriptis coram Orbe universo professus sum. Hunc præcoccem Triumphum lamentabilibus næviis mox ipse contaminas ac suspectum reddis ita prolequens : Placuit nihilominus tibi , R. P. tum in nuperis tuis Thesibus , tum in eorumdem publica defensione , me quidem ut hereticum per te , vel per discipulum tuum proclamare , & hanc orthodoxam doctrinam meam de heresi suspectam reddere.

Egone sim præceps adeò , ut aut hereticum te proclamem , aut proclamari sinam , aut adeò præceps sit è meis quisquam ? Idque non in Disputationibus tantum , in quibus nonnunquam fervor linguam præcipitat , sed in ipsis Thesibus , quæ solent animo pacatiore concipi ? Ubi quælo , quâ paginâ , quotâ Thesi id à me peccatum est ? Cur non designasti locum aliquem ex quo similis calumnia possit exsculpi ? Satis tibi fuit Theses ipsas nominare , sed si verè reperisses aliquid , avidissimè credo descripsisses , tu , qui nihil ambis magis quam ejusmodi laciniis scripta tua ampliare , & cantilenis iisdem temper recantatis reddere æstimabilia. Hanc igitur Querimoniae tuæ partem pri-  
mam pro nihilo habeo.

Nunc ad alteram : Adsunt mihi , inquis , instrumenta fide dignissima , quibus evincam , iniquissimam hanc calumniam mihi in Disputatione tua nupera impactam fuisse. Quæ illa ? testes credo , quibus ante hac lufus saepius , Eruditis Lectoribus ludibrium debuisti. Qui cito credit , Exim Martine , levius est corde , solent non raro discipuli , quales , ut reor sunt tui testes , per ejusmodi frivolas delationes Magistrorum suorum gratiam aucupari. Quidquid in Disputatione dictum est , id ipse tibi quam potero brevissimè , & sincerissimè exponam. Quidam è disputeribus causam tuam & SUPPLICANTUM agens contendebat non aliud usitatum fuisse unquam in Ecclesia , quam , ut etiam à suspectæ fidei hominibus exigeretur Professio , non qua Autorem aliquem , aut ali-

alicujus Libri sensum , sed quâ hærefim proscriptam damnarent. Inter cætera allatum est exemplum Theodoreti , de quo ( ut notabat defens ) quamdiu tergiversabatur absolute anathema dicere Nestorio , proclamabant Chalcedonensis Synodi Patres: *Theodoretus Hæreticus est : Hæreticum foras mitte.* Atque ita Argumento finis impositus est. Hic summam habes totius rei actæ ; unde Testes illos tuos non alio pacto liberare possum crimen testimonii falsi , nisi Te sibi repræsentaverint ut Theodoretum alterum in Chalcedonensi Synodo reum actum, adeo ut quod referebatur proclamatum fuisse à Patribus adversus Theodore- tum, adversus Te à nobis proclamatum esse judicaverint. Occasionem huic errori dederit , quod in eadem cum Theodoreto causa versari vi- deri possis. Clamabat & protestabatur Theodoretus coram synodo , uti ejus acta referunt : *Ego per Dei gratiam ab Orthodoxis sum nutritus, & Orthodoxè docui .... & non solum Nestorium & Eutychen , sed & omnem hominem , qui rectè non sapit , aversor .... omnem Hæreticum anathe- matizo , Nestorium & Eutychen & omnem hominem dicentem , vel op- niantem duos filios , anathematizo.* Similia ex Te , si tamen usque eo profili te passus est amor Jansenii , audiverant forte illi tui : *Ab Or- thodoxis , Laus Deo , educatus sum : CHRISTIANUS nomen meum , CA- THOLICUS cognomen: Orthodoxè semper docui : damno omnem sensum ab Ecclesia in quinque famosis Propositionibus damnatum : omnem hominem , qui non rectè sapit , aversor , ipsum etiam Iansenium , si is erravit.* Hæc omnia à Theodoreto tam speciosè proclamata , non potuerunt illum hæresios suspicione eximere Episcopi clamaverunt , ille Hæreticus est : iste Nestorianus est. *Hæreticum foras mitte :* donec disertis tandem ver- bis, citra exceptionem omnem apertè diceret *Anathema Nestorio* illa Te inter & Theodoretum in quæstione prorsus eadem similitudo fe- cerit , ut de Te dictum fixerint quod erat de Theodoreto narratum. Hoc quippe unum discriminis intercedit, quod Tu necdum ut Theodoretus in synodo œcumonica spectabilis adactus sis communibus Epif- coporum vocibus anathema dicere Jansenio : quod si tum detrectares , ut detrectasti hactenus , quid auditurus essem , potes ex Theodoreti ex- emplo discere. Hæc ad injustam illam tuam querimoniam retunden- dam dicta sunt.

